

SAMEHANG VAN VERHOUDINGSWOORDE AS MIDDELPUNT VAN VERHOUDINGSHERSTEL IN DIE BOEK HOSEA – ‘N SOSIORETORIESE STUDIE

Authors:

Johannes C.F. Harris¹
Pieter M. Venter¹

Affiliations:

¹Departement Ou
Testamentiese Wetenskap,
Universiteit van Pretoria,
Suid-Afrika

Correspondence to:

Johannes C.F. Harris

e-mail:

chris@ngpottiesuid.org.za

Keywords:

Hosea; verhoudingsherstel;
patrone en beeld; woorde
onderlinge

Postal address:

Privaat Sak X2449,
Mokopane, 0600,
Suid-Afrika

Dates:

Received: 14 Apr. 2008
Accepted: 10 Feb. 2009
Published: 10 July 2009

How to cite this article:
Harris, J.C.F. & Venter,
P.M., 2009, ‘Samehang
van verhoudingswoorde
as middelpunt van
verhoudingsherstel
in die boek Hosea – ‘n
sosioretoriese studie’, *HTS
Teologiese Studies/Theological
Studies* 65(1), Art. #128, 7
pages. DOI: 10.4102/hts.
v65i1.128

**This article is available
at:**
<http://www.hts.org.za>

© 2009. The Authors.
Licensee: OpenJournals
Publishing. This work
is licensed under the
Creative Commons
Attribution License.

ABSTRACT

Contiguity of relationship words as focal point for the restoration of relations in the book of Hosea – a socio-rhetorical study

This article reflects on the various nuances in meaning of the relationship terminology used in Hosea. These words are used in combination with one another, although used differently in different contexts. The different combinations create associations with new socioliterary meanings. This culminates in three central, interrelated notions, namely אֶחָד ('love as life orientation'), יְדֻעַ ('acknowledgement of the care of Yahweh') and חִיָּה לִפְנֵי ('to live before Yahweh'). The collective intention of these words is finally described as one of covenant harmony.

INLEIDING

Die boek Hosea is vol simboliek. Die bekendste hiervan is waarskynlik die beeld van die versteurde verhouding tussen Israel/Juda en Jahwe, soos gesimboleer deur die huweliksverhouding tussen die profeet Hosea en sy ‘owerspelige’ vrou. Verhoudingsterme sal derhalwe ‘n belangrike sleutel tot die begrip van die boek wees. ‘n Belangrike voorbeeld hiervan is Hosea 2:21,22 (Masoretiese teks) in die groter geheel van 2:4–25 [2:1–22]¹, wat ‘n opeenstapeling van terme bevat wat die redaktor met ‘n bepaalde doel so saam gebruik.² Dit kan ook op ‘n samehangende verwantskap tussen terme dui (kyk Louw 1982:64). Sekere terme is as ‘*interpersonal events of association constituting a set of meanings, that is, a semantic field, which may be defined as “to establish or confirm a relationship ”*’ aan mekaar verwant (Louw 1982:64).

Die eindredaktor van die boek Hosea ontleen bepaalde begrippe/terme aan sy leefwêreld, onder meer אֶחָד מִשְׁבְּצָעֵד זֹנָה שׁוֹב יְדֻעַ רְחֵם חַסְדָּן. Hierdie begrippe staan in ‘n paradigmatisiese verhouding tot mekaar en is elkeen swaar met sosioliterêre betekenis(se) belaai. Deur hierdie begrippe in ‘n beplande geheel byeen te bring, laat die oueur(s) ook hierdie betekenisse met mekaar in wisselwerking tree, en loop dit uit op sentrale begrippe wat die boodskap van die boek omvattend raak (kyk ook Figuur 1). Hierdie sentrale begrippe is אֶחָד ('liefde as lewensoriëntasie'), יְדֻעַ ('erkenning van Jahwe se sorg') en חִיָּה לִפְנֵי ('lewe voor die aangesig van Jahwe'). Deur die sosioretoriese ontleding van vyf verteenwoordigende tekseenhede uit die boek Hosea, naamlik Hosea 2:4–25 [2:1–22]³; 3:1–5; 4:1–5; 6:1–6 en 11:1–11, word ‘n eie teorie oor die betekenis van hierdie begrippe in die boek ontwikkel. ‘Sosioretoriese ontleding’ verwys na ‘n kombinasie van sosiologiese en retoriiese ontleding. Sosioretoriese kritiek is ‘n benadering wat op waarde, oortuigings en geloof konsentreer, sowel in die teks wat ons lees as in die wêreld waarin ons leef (kyk Robbins 1996:1). Die benadering fokus uitvoerig op die teks self, maar beweeg ook na die wêreld van die skrywer(s) van die teks én dié waarin ons tans leef. ‘n Teks is soos ‘n dik geweefde tapiserie. Elke teks bevat ingewikkeld patrone en beeld. Indien daar eensydig na die teks gekyk word, sien ‘n mens ‘n baie beperkte weergawe van sy ‘tekstuur’. Indien die eksegeet egter telkens uit ‘n ander hoek na die teks kyk, sal hy meervoudige teksture kan sien. Elke teks staan in ‘n *intertekstuele* verband met ander tekste. ‘n Teks is dus die ontmoetingsplek van verskillende tekste. Dit is ‘n spinneweb (kyk Venter 1997:328–329).

‘n Teks is ook meer as die som van sy woorde. Tekste word, wat onder meer verhoudings van opposisie, ooreenkoms, gedeeltelike ooreenkoms en herformulering betref, deur vorige tekste beïnvloed (kyk Baxandall 1991:6). Hierdie studie toon ook dat tekste en woorde onderling met ander tekste en woorde verbind is en dat dié onderlinge verwantskappe bepaalde betekenisnuanses na vore bring. Uiteindelik word ‘n hele netwerk verbintenis tussen woorde blootgelê (kyk Figuur 1).

DRIE SENTRALE BEGRIPPE


Die drie sentrale begrippe (kyk Figuur 1) spruit uit die vyf verteenwoordigende tekseenhede (soos vervolgens bespreek) waarin die nege verhoudingswoorde wat vir hierdie ondersoek gekies is, voorkom.

1.Hosea 2:1 beskryf haar as חַזְקִיָּה (kyk Snyman 1993:90–111).


2.Die Afrikaanse vertaling se numering word in blokhakies geplaas, terwyl die *Biblia Hebraica Stuttgartensia*- (Hebreeuse Ou-Testamente) indeling sonder hakies verskyn.

3.Childs (1979:381) noem Hosea 1–3 ‘the exegetical key in the framework from which the entire book is to be read’. Morris (1996:111) voer voorts aan dat ‘the most significant way that these chapters serve as an introduction is to present the key words that will be repeated and reinterpreted in what follows’. Hy noem hierdie sleutelwoorde *Leitwörter* (kyk Morris 1996:111).

4.Die Afrikaanse vertaling se numering word in blokhakies geplaas, terwyl die *Biblia Hebraica Stuttgartensia*- (Hebreeuse Ou-Testamente) indeling sonder hakies verskyn.



FIGUUR 1



FIGUUR 2

יְדֻעָה ('erkennung van Jahwe se sorg')

⁵ Hosea 2:4–25 [2:1–22]

Hosea 2:4-25 [2:1-22]
Die tematiese eenheid van Hosea 2:4-25 is 'n poëties gesstruktureerde gehele waarin 'n hele aantal parallelisme tot betekenisverryking lei. Strukturele ontleiding toon dat dié gedeelte volmaak soos 'n skarnier toevou, met vers 15 as middelpunt (kyk Lys 1976:66). Die hoogtepunt van die klag teen Israel is dat sy die Baäls as haar minnaars/dié wat sy liefhet, vereer, en Jahwe misken. Die struktuur bring ook die volgende aan die lig:

- Naaktheid beteken die einde van religie (verse 12–13);
 - hofmaak (liefde) lei tot die teruggee van natuurgawes (verse 16(b) en 17(a));
 - die woestyn tyd word as 'n 'nuwe eksodus' voorgehou (verse 16(a) en 17(b));
 - dié nuwe eksodus word as 'n tyd van hofmaking en liefde en die teruggee van natuurgawes (verse 11–14 en 16–17), maar


ook as 'n tyd van erkenning van Jahwe as die God wat seën, uitgebeeld:

- **אמונה** ('promiskuiteit)⁶ in verse 6–7 staan dan teenoor ('verbondsgetroouheid') in verse 21–22;
 - die verbreekte verhouding (vers 4) staan teenoor die herstelde verhouding (vers 25);
 - hoerery/promiskuiteit staan gelyk aan owerspel in die konteks van 'n huweliksverhouding;
 - **דעת אלהים** ('vergeet') staan teenoor **שבח** ('erkenning van Jahwe').

In verse 21 en 22 volg drie sinonieme parallelismes om die aard van die 'huweliksverbintenis' tussen Jahwe en Israel te beskryf. Die verbintenis sal **לעולם** ('vir altyd') wees. Jahwe sal Hom verloof in **צַדְקָה** ('bedagsaamheid'), **מִשְׁפָּט** ('regverdigheid'), **חִנּוּס** ('verbondsliefde'), **כַּדְרֵךְ** ('barmhartigheid') en **אֶתְנוֹנָה** ('verbondstroou'). Dít staan teenoor die ontrouwheid van Israel (verse 6–7). Hierdie word grafies voorgestel in Figuur 2.

5.Die Afrikaanse vertaling se numering word in blokhakies geplaas, terwyl die *Biblia Hebraica Stuttgartensia*- (Hebreeuse Ou-Testamentiese) indeling sonder hakies verskyn.

6. Ten einde 'n élite groep voor te stel wat deur vreemdelinge binnegedring is, beskryf Hosea 'n promiskue vrou wat toelaat dat haar liggaaam deur haar minnaars gepeneet word (kyk Yee 2001:31).



FIGUUR 3
Verbondsontrouheid by die volk

Die resultaat van die nuwe verbintenis (die huwelik) is dat Israel Jahwe sal erken (**יְהֹוָה אֱלֹהֵינוּ**) as die Een wat werklik sorg (kyk Figuur 2). Wat die huweliksterminologie betref, is **דָּעַ** ('erkennung van Jahwe') derhalwe die hoogtepunt van die huweliksvoltrekking. Hosea gebruik die huweliksmetafoor teologies om sy *'polemic monolatry'* (kyk Yee 2001:8; Dearman 1992:36; Smith 1990:42–45) te verkondig. Sy aanklagte is hoofsaaklik op 'n manlike gehoor, onder meer die koning en sy politieke en kultiese élite, gerig. Die huweliksmetafoor vervroulik die manlike heersende hiérargie deur hulle gesamentlik as 'n promiskieuuse vrou uit te beeld. Hosea se huwelik met 'n **אֲשֶׁר נָנוּנִים** (promiskieuuse vrouw) moet as 'n 'simboliese optrede' verstaan word (kyk ook Yee 2001:30–32). Die simboliek het saam met die profetiese boodskap gegroeï, en sou nie by die huweliksvoltrekking reeds só verstaanbaar gewees het nie. Die simboliek dui daarop dat Israel Jahwe nie eksklusief vereer het nie. Die ontrouheid verwys na die volk se godsdienstige ontrouheid teenoor Jahwe. Volgens die status-/skandekultuur (kyk Malina 1993:73–77) het Israel nie net **בָּשָׂר** ('skandelaar opgetree') nie (vers 7), maar word sy ook in die openbaar tot skande gemaak (vers 12): **אֲתָּה נְבָלָה לְפִנֵּי מְאֹדָבָה** ('Ek sal dan nou haar skaamte ontbloot voor die oë van haar minnaars ...').⁷ Israel word derhalwe daarmee uitgedaag om iets te doen om hulle eer te herstel (*challenge response*). Dit geskied binne die raamwerk van die verlies van status en manlike eer (kyk Yee 2001:30–32), en die geskenke (verse 21–22) is dan ook die verlangde regstelling van hulle ontrouheid.

Wat kulturele kategorieë betref, is die perikoop deel van 'n regsgeding waarin 'opposisie-kulturele retoriek' gebruik word. Daar word sterk teen die ontaarde kultus standpunt ingeneem. Die godsdienstbeoefening wat gekritiseer word (deur van kras woorde en begrippe soos **שְׁבָט** ('owerspel') en **זָנָה** ('promiskuiteit') gebruik te maak), word gekorrigerig deur in verse 4 en 18 terme soos **מִן** ('man') en **אִשָּׁה** ('vrouw') uit die betekenisveld van die huwelik; 'voorsiening van lewensmiddele' (vers 10); asook 'huweliksgeskenke', naamlik **צָדָק** ('bedagsaamheid'), **מִשְׁפָּט** ('regverdigheid'), **נְסָרָה** ('genade'), **בָּרָהָה** ('barmhartigheid') en **אַמְתָּה** ('verbondsgetrouwheid'), te gebruik. Die verlangde reaksie, **יְהֹוָה אֱלֹהֵינוּ** ('dat Israel aan Jahwe erkenning gee'), maak die huweliksverhouding volkomme (herstel). In bestaande verwantskap, kry die verhoudingsterme dus die volgende nuanses:

- **רָחֵל:** ontferm; barmhartig wees (v 6, 21)
- **גָּנָה:** promiskuiteit (v 4, 6, 7)
- **צָדָק:** bedagsaamheid (v 21)
- **מִשְׁפָּט:** regverdigheid (v 21)
- **נְסָרָה:** genade (v 21)
- **אַמְתָּה:** verbondsgetrouwheid (v 21)
- **שְׁוּבָה:** terugkeer (v 9, 11)
- **שְׁבָטָה:** misken (vergeet) (v 15)
- **יְהֹוָה:** erkenning (v 10, 22)

Hosea 4:1–5:7

Hierdie eenheid bestaan uit drie poëtiese eenhede, naamlik Hosea 4:1–3; 4:4–19 en 5:1–7.⁹ Die verhoudingsterme **יְהֹוָה** en

7.Die aanbidding van een God, met erkenning dat daar ander gode is, dog kritis en onverdraagsaam teenoor hulle.

8.Aanhaling uit die 1953 – Afrikaanse vertaling.

9.Die indeling word op dié van Wolff (1965:81, 87, 119), Andersen & Freedman

גָּנָה, wat onderskeidelik vyf keer (Hos 4:1, 6; 5:3, 4) en tien keer (Hos 4:10, 11, 12, 13, 14, 15, 18; 5:3, 4) voorkom, is ondersoek. Die woorde **אַמְתָּה** en **נְסָרָה** word in Hosea 4:1 sinoniem met **דָּעַ** gebruik, en is derhalwe deel van die ondersoek. Die volgende betekenisnuanses kom voor:

- **גָּנָה** verwys na Israel se verbondsontrouheid. Dit dien as simbool van die onbindende verhouding tussen Israel en Jahwe. Dié agteruitgang is aan die **רָחֵל גָּמִים** ('gees van promiskuiteit') te wyte (kyk Hos 4:12; 5:4).¹⁰
 - Hierdie hoergees is 'n gesindheid wat die denke van Jahwe aflei. Dit gaan volgens Hosea 4:11,18 met brassery gepaard (**בָּשָׂר וַיְיָ וְתִירָשׁ יִקְרָבָה**) ("wyn en mos neem die hart weg").¹¹ Dit maak hulle **נְטָמָה** ('onrein') (Hos 5:3), wat beteken dat hulle nie vir Jahwe aanvaarbaar is nie.
 - Hierdie gees maak hulle ook **אַנְחָבָה חָבֵר** ('versot op erotiese passie') (Hos 4:18). Dit dien dan ook as sinspeling op die misplaaste **אַנְחָבָה** ('oriëntasie') wat hulle na regte aan Jahwe verskuldig is. Die verbondsontrouheid kom verder in die kultus tot uiting. Die volk se offerpraktyke aan die Baäls (Hos 4:12,13) geskied onder leiding van die priesters (Hos 4:6,14). Dit lei volgens Hosea 4:13 regstreeks tot **גָּנָה** ('hoerer/Prostitusie') en **נְסָרָה** ('owerspel') (sinonieme parallelisme in Hos 4:13).¹² Albei terme verwoord die volk se verbondsontrouheid. Die leiers se verantwoordelikheid ten opsigte van die volk se verbondsgetroouheid word dus hierdeur beklemt.
 - Die priesters se gebrek aan **יְהֹוָה** ('erkennung') van Jahwe (Hos 4:6) lei tot ongehoorsaamheid en grootskaalse ontrouheid. Gebrek aan **יְהֹוָה** ('erkennung') van Jahwe ontstaan by die kultus, waar Jahwe vir die Baäls verruil is. **גָּנָה** is dus die teenpool van **דָּעַ**, en dra daarom hier die betekenis van 'miskenning' van Jahwe (kyk Figuur 3).
 - Die chiasme in Hosea 4:6 nuanseer die betekenis van **מִאָסָה** ('erkennung'). **דָּעַ** word dan sinoniem met **נְדָמָה** ('erkennung'). 'Die volk gaan ten gronde' word aan 'verwerping deur Jahwe' gelykgestel. Die volk staan parallel met **מְבָלִי חֶדְשָׁת** ('veranderlikheid'). 'Gebrek aan erkennung' is direk te wyte daarvan dat die volk 'kennis verwerp het' (en nie toegewyd was aan Jahwe nie).¹³
 - Die betekenis van **אַמְתָּה** word verder deur **חָסֵד** en bepaal (Hos 4:1), wat onderskeidelik die betekenis van 'verbonds liefde' en 'betroubaarheid' dra.
- As metafore vir die huweliks- (verbonds-)verhouding tussen Jahwe en Israel, duis daarop dat 'n gesindheid van ontrouheid en dislojaliteit tot die miskenning van Jahwe as 'die Een wat sorg' aanleiding gee.

(') lewe voor sy aangesig')

Hosea 6:1–6

Die volgende verhoudingsterme is ondersoek: **שׁוּבָה** ('terugkeer') in Hosea 6:1; **דָּעַ** ('erkennung') in Hosea 6:3,6; en **חָסֵד** ('liefde') in Hosea 6:4,6. Die volgende betekenisnuanses kom voor:

- Die priesterlike boetelied in Hosea 6:1–3 plaas deur middel van die kohortatiwye in verse 1 en 3 **שׁוּבָה** ('terugkeer') en **דָּעַ** ('erkennung') naas mekaar. Om dus na Jahwe terug te keer, behels om aan Hom erkenning te gee.
- Die oogmerk van **שׁוּבָה** ('terugkeer') is ('sodat ons voor sy aangesig kan lewe') in vers 2b (kyk Figuur 4). Dit is dus 'n begeerte om in die teenwoordigheid van Jahwe te lewe.
- **שׁוּבָה** is 'n deurdagte besluit en n' doelbewuste handeling.
- Die gebruik van die sinonieme parallelisme in Hosea 6:6 stel **חָסֵד** ('verbonds liefde') en **יְהֹוָה אֱלֹהֵינוּ** ('erkennung van God') op dieselfde betekenisvlak. Dit beteken dus dat Israel se prioriteitskeuse hulle vlak van erkenning jeans Jahwe

(voetnoot 9 gaan voort...)


(1980:317, 331, 342–344, 380), Jeremias (1983:59, 63, 73), Vosloo (1992:248) en Boshoff (1994:88) gegrond.

10.Kyk vorige hofie, Hosea 2:4–25 [2:1–22], waar **גָּנָה** met promiskuiteit vertaal is.


11.Aanhaling uit die 1953-Afrikaanse vertaling.

12.Kyk Figuur 3.

13.Kyk hofie Hosea 2:4–25 [2:1–22].



FIGUUR 4
Lewe voor Jahwe se aangesig



FIGUUR 5
Eerbiedige benadering begin by bekering

bepaal, of anders gestel, dat hulle gebrek aan erkenning jeans Jahwe daaraan te wye is dat hulle nie aan Hóm lojaal is nie, maar aan die Baäls.

- Die gewenste resultaat van Jahwe se 'oordeel' (verse 4–5) en die volk se 'bekering' is **חַסְד** ('liefde') en **יְדֻעַ אֱלֹהִים** ('erkennings/toewyding aan God').
- In 'n status-/skandekultuur is die oogmerk van die priesterlike boetelied in Hosea 6:1–3 om Jahwe uit te daag (*challenge response*) om hulle (die volk) te **גַּרְבֵּשׁ** ('genees') en te **לְכָדֵךְ** ('verbind'). In reaksie daarop is Jahwe se oordeel in Hosea 6:5 'n uitdaging tot bekering tot **מַבְדֵּל** ('verbondsliefde') en **יְדֻעַ אֱלֹהִים** ('erkennings van God').
- Aangevuur deur die **מִשְׁפְּט** ('oordeel') van Jahwe, word die ontaarde kultus in Hosea 6:6 in terme van **זָבָח** ('offerandes') en **עַלְהָה** ('brandoffers') teen die suiwerse **חַסְד** ('liefde') en **יְדֻעַ אֱלֹהִים** ('toewyding aan/erkennings van ons God') uitgespeel.
- Die beginsel van wederkerigheid in die begunstiger/begunstigde-(*patron/client*)-verhouding tussen Jahwe en Israel kom in die konsep van **שׁוֹב** ('terugkeer') binne die verbondsverhouding na vore. In hierdie verhouding verteenwoordig die terme **חַסְד** ('liefde') en **יְדֻעַ אֱלֹהִים** ('erkennings van God') Israel se verlangde reaksie, en word dit dan ook sinoniem gebruik.
- Die uiteindelike resultaat is **חַיָּה לְפָנֶיךָ** ('sodat ons voor sy aangesig kan lewe').

Die onderlinge verwantskappe word in Figuur 4 uitgebeeld.

בְּקָשׁ ('liefde as lewensoriëntasie')


Hosea 3:1–5

Die volgende verhoudingsterme is ondersoek: Die sleutelwoord in die perikoop is **אֱלֹהִים** ('lewensoriëntasie'), wat vier keer in vers 1 herhaal word. Die tekens van Jahwe se **אֱלֹהִים** kom in verse 2 en 5 na vore. Verder is **שׁוֹב** ('bekeer') ondersoek, soos wat die betekenis daarvan in vers 5 saam met **שְׁקָרְבָּן** ('soek') en **פָּהָד** ('met eerbied benader') ontvou. Die volgende betekenisnuanses blyk hieruit:

- Jahwe se liefde word in vers 1 struktureel met die liefde van die vrou se beminde vergelyk. Die overspel wat sy bedryf, word met die 'wend tot ander gode' vergelyk. Sinoniem met die 'wend tot ander gode' is die **וְאֶלְ�הִים אֲשֶׁר נִבְרִיא** ('versot wees op rosynkoekoek'). Dit dui op die aard van die volk se overspel, naamlik dat hulle die vrugbaarheid van die land gevier het deur rosynkoekoek aan die Baäls te offer. **בְּקָשׁ** het dus hier die nuanse van 'lewensoriëntasie'.
- Die chiasme in vers 3 impliseer dat die 'stilsit vir 'n lang tyd 'wendersys' sal gebeur (by sowel Jahwe as Israel). 'Om nie te hoereer nie', soos vervat in die chiasme, beteken om 'aan geen man te behoort nie'. As Jahwe se stilsit dus deur sy aangevuur is, behoort die uiteinde van Israel se stilsit ook **בְּקָשׁ** ('lewensoriëntasie') tot Jahwe te wees (kyk ook eerste punt onder die hofie Hosea 6:1–6).
- Die voortskrydende parallelisme in vers 5 dui op 'n *Steigerung* van 'bekeer', 'na Jahwe soek', en 'Jahwe met siddering benader'. Bekering bereik dus 'n hoogtepunt wanneer Jahwe uiteindelik met eerbied benader word (kyk Figuur 5):

Bekering is volgens hierdie parallelisme die beginpunt van die terugkeer na Jahwe. Dit is dus in wese niks anders nie as **בְּקָשׁ**, wat op 'lewensoriëntasie' dui.

- Die **אֱלֹהִים** ('wederliefde/wendersydse oriëntasie') in die verband van die verhouding tussen Jahwe en sy volk het nie net raakvlakke met die soort verhouding tussen 'n man en 'n vrou nie, maar word wat inhoud betref daardeur bepaal.
- Sosiologies het Israel skandalig opgetree (vers 1) deur **וְמִנְאָתָה** ('sy het gehoereer'). Derhalwe word sy van haar godsdiestige vastigheid gestroop (verse 3 en 4) en daarmee uitgedaag om iets te doen om haar eer te herstel (*challenge response*). Die verlangde reaksie word in vers 5 as **שׁוֹב** ('bekering/terugkeer/om jou oriëntasie te verander') aangedui.
- Deur die verwysing na die gebroke 'huweliksverhouding' (vers 1) en die moratorium op dié verhouding (vers 3), is daar sprake van die beginsel van wederkerigheid in die begunstiger/begunstigde-verhouding tussen Jahwe en Israel.



FIGUUR 6
Jahwe daag Israel uit om sy liefdesdade te beantwoord

- Volgens die reinigingskodes moes Israel weer 'n woestyntyd (reinigingstyd) beleef. Dit word hier as 'n veroortmoedigingstyd aangedui waarin afsondering en toewyding 'n belangrike rol speel. Die volk se verval word in Hosea 3 deur die kras woord **מן-נאכל** ('maar sy het gehoereer/owerspel bedryf') aangedui.
- Die uiteindelike verlangde regstelling word in vers 5 as **שׁוֹב** ('bekeer'), **שׁוֹב בְּקָרֶב** ('soek') en **פָּהָר** ('met eerbied benader') voorgehou. Dit verwys natuurlik na die kinders van Israel se verlangde sosiale reaksie op die profeet Hosea se simboliese handeling met Gomer, sy vrou.
- Uiteindelik het die terme onder beskouing, naamlik **שׁוֹב** ('wederliefde / wendersydse oriëntasie') en **שׁוֹב שׁוֹב** ('bekering/terugkeer/om jou oriëntasie te verander'), soos uit hulle verwante gebruikte in Hosea 3:1-5 blyk, albei die nuansie van 'n verlangde oriëntasie ten aansien van Jahwe. Ander verwante terme wat die woorde se betekenis beïnvloed, soos **שׁוֹב בְּקָרֶב** ('soek') en **פָּהָר** ('met eerbied benader'), is ook ondersoek. Die verwantskap tussen hierdie verhoudingsterme beïnvloed dus hulle betekenisnuanse, en bevestig so die hipotese van hierdie studie.

Hosea 11:1–11

Die volgende verhoudingsterme is ondersoek, **שׁוֹב** ('liefde') in vers 1 en 4; **יְדָעָה** ('erkenning') in vers 3; **שׁוֹב שׁוֹב** ('bekeer/terugkeer') in vers 5; en **חֲדָר** ('hulle sal sidderend aankom') in vers 10 en 11. Hieruit kom onderstaande betekenisnuanses na vore:

- Die histories-teologiese beskuldiging in Hosea 11:1–11 plaas **שׁוֹב** ('liefde') en **קָרֵב** ('roep') in vers 1 deur 'n sinonieme parallelisme naas mekaar, sodat **שׁוֹב** ook die konnotasie van 'soek' het (kyk hofie Hosea 3:1-5 vroeër in die artikel).¹⁴ Jahwe se liefde 'soek' na wederliefde. Die verdere **אָרֶךְ** van die profete in vers 2 en 7 ontstaan uit hierdie liefde van Jahwe wat na beantwoording soek.
- Die chiasme in vers 4a maak dat die **בְּעִבְרָהֶת אַחֲבָה** ('met koorde van liefde') deur die gepaardgaande sinonieme frase **בְּחַלְיִ אָדָם** ('met mensebande') as 'n mensgerigte handeling gelees moet word. Hoewel Jahwe se liefde dus **קָדוֹשׁ** ('heilig/goddelik') is, is dit ook menslik (menssoekend en -gerig).¹⁵

14. Kyk Figuur 6.

15. Kyk Figuur 6.

- Hoeweldiewoord **שׁוֹב** ('liefde') in vers 8–9 ontbreek, word die innerlike worsteling in die **בָּבֶן** ('hart') van Jahwe semanties betrek, en dien die woorde **לְפָנֵי** ('my hart is omgekeer') en **בְּמַרְאֵת** ('my medelye is opgewek') ter betekenisverryking van **שׁוֹב**. Jahwe, die Heilige, se menssoekende liefde is daarom ook medelyend en kwesbaar.
- Die **שׁוֹב** ('liefde') van Jahwe roep om **יְדָעָה** ('erkenning').¹⁶ Deur die gebruik van **שׁוֹב** saam met **יְדָעָה** as reaksie op Jahwe se liefde, kry **יְדָעָה** die betekenis van kennis/aanvaarding/positiewe erkenning van Jahwe se liefde.¹⁷
- In vers 5 kry die weiering om te keer ('bekeer/terug te keer') die betekenisnuanse 'om weg te wees van Jahwe se teenwoordigheid', aangesien Israel se versuim om te bekeer op ballingskap by Assur uitloop. Die woord **חֲדָר** ('hulle sal sidderend aankom') in vers 10 en 11 word in dieselfde semantiese veld as **שׁוֹב** gebruik (kyk hofie Hosea 3:1-5 vroeër in die artikel). Die chiasme in vers 10 stel **חֲדָר** sinoniem met.
- אָחָרֵי יְהוָה לִבּוֹ** ('hulle sal agter Jahwe aan trek'). Die betekenis van **חֲדָר** en **שׁוֹב** is dus by implikasie om agter Jahwe, en nie (meer) agter die Baäls nie, aan te trek.
- Jahwe wys vervolgens sy kwesbare liefdeshart in vers 8–9, waarna die verlangde reaksie op hierdie liefdesuiting in vers 10–11 volg, naamlik **חֲדָר** ('met siddering naderkom/agter Jahwe aan trek/Hom na te volg').¹⁸
- In die status-/skandekultuur het Jahwe Israel uitgedaag (*challenge response*) om sy **שׁוֹב** ('liefde') en liefdesdade te beantwoord (verses 1–4, 8–9). Die verlangde reaksie is **שׁוֹב** ('bekering'), **חֲדָר** ('met siddering aankom/terugkeer') en **יְדָעָה** ('erkenning').¹⁹

Die wisselwerking van dié verhoudingswoorde word in Figuur 6 uitgebeeld.

16. Kyk Figuur 6.

17. Kyk hofie Hosea 2:4–25 [2:1-22] en **דְּבָרָה לְפָנֵי** ('lewe voor sy aangesig') vroeër in artikel.

18. Kyk hofie Hosea 3:1–5 vroeër in artikel en Figuur 6 hier bo.

19. Kyk hofie Hosea 2:4–25 [2:1-22] vroeër in artikel.



DIE BETEKENISNUANSES VAN DIE VERHOUDINGSWOORDE ONDER BESKOUING

Die verhoudingswoorde onder beskouing, naamlik **רָחֵם**, **רָחַם**, **שׁוֹבֵד**, **צִדְקָה**, **זֶנֶּה**, **מִשְׁפָּט**, **אַמְתָּה** en **אַהֲבָה**, het in hulle wisselwerking (kyk die besprekings onder die 'Drie Sentrale Begrippe' sowel as Figure 1–6) en gekombineerde gebruik verskeie betekenisladings, soos reeds aangedui. Ter opsomming staan die volgende interaktiewe betekenisstele uit:

רָחֵם: Dit is 'n verbondsbegrip wat in Hosea 2:22 met verwysing na 'n huweliksgeskenk gebruik word, waar dit ook die betekenisnuans van 'verbondslefde'²⁰ het vanweë die sinonieme parallelisme met **מִשְׁפָּט** ('ontferming/barmhartigheid').²¹ Hierdie woordpaar se betekenis word in Hosea 2:22 ook deur **צִדְקָה** en **מִשְׁפָּט** bepaal. In Hosea 4:1 en 6:4,6 dui dit ook op 'verbondslefde'.²² In Hosea 6:6 word die term sinoniem met **יְדָעָה** ('erkennung van God') gebruik. Daar verleen dit dus aan verbondslefde die betekenisnuans van 'toewyding'.²³

רָחַם: Saam met **רָחֵם** ('verbondslefde') in Hosea 2:21, het dié term die betekenis van 'barmhartigheid'. In Hosea 2:6, 25 het dit die algemene betekenis van 'omgee/ontferm'.²⁴

צִדְקָה: Dié woord word hoofsaaklik vir Israel se verlangde reaksie op Jahwe se liefde gebruik.²⁵ In Hosea 2:10, 4:1, 5:4 en 11:3 dui dit op 'erkennung aan Jahwe' vir sy liefde.²⁶ In Hosea 5:3 beteken dit 'om te ken', en in Hosea 4:6 op 'kennis' (wat die priesters moes oordra). In Hosea 6:3, 6 is die betekenisnuans van 'toewyding aan God' (parallel met **רָחֵם**, oftewel 'verbondslefde', in Hosea 6:6).²⁷

מִשְׁפָּט: As deel van die term **מִשְׁפָּט** in Hosea 2:21, dra dié woord saam met **רָחֵם** ('regverdigheid'), en parallel met **רָחַם** ('verbondslefde') en **רָחַם** ('barmhartigheid'), die betekenisnuans van 'bedagsaamheid' (kyk hofie Hosea 2:4–25 [2:1–22] en Figuur 2).²⁸

מִשְׁפָּט: Saam met die term **צִדְקָה** ('bedagsaamheid') in Hosea 2:21, beteken dié woord hier 'regverdigheid'.²⁹

אַמְתָּה: Dié woord staan parallel met **רָחֵם** ('lojaliteit') en **אַלְהִים** ('erkennung van Jahwe') in Hosea 4:1. In dié verwantskap beteken dit 'verbondstrou'.³⁰

אַהֲבָה: As imperatief in Hosea 3:1 beteken dié term 'bemin'. Aan die einde van die vers word dit die term wat God se liefde teenoor Israel beskryf. Dit word dus 'n term wat 'lewensorientasie' beskryf.³¹ In Hosea 11:1 word dit terugskouend met 'liefde' vertaal om al Jahwe se versorgingshandelinge teenoor Israel saam te vat.³² Op dieselfde semantiese gebied word **בְּהָאָה** in

20. Kyk Koehler en Baumgartner (1994, Vol 1:336) wat die betekenisnuanses as 'gesamentlike verpligting tussen familie' of 'lojaliteit' of 'getrouwheid' aandui.

21. Kyk hofie Hosea 2:4–25 [2:1–22] en Figuur 2 vroeër in artikel.

22. Kyk hofie Hosea 4:1–5:7 en **הַיָּה לִפְנֵי** ('lewe voor sy aangesig').

23. Kyk hofie **הַיָּה לִפְנֵי** ('lewe voor sy aangesig').

24. Kyk hofie Hosea 2:4–25 [2:1–22].

25. Kyk Koehler en Baumgartner (1994, Vol 2:390–391) wat die betekenisnuanses as 'om te ken; te verstaan' aandui.

26. Kyk hofie Hosea 2:4–25 [2:1–22], Hosea 4:1–5:7, **הַיָּה לִפְנֵי** ('lewe voor sy aangesig') en Hosea 11:1–11.

27. Kyk hofie **הַיָּה לִפְנֵי** ('lewe voor sy aangesig') en Figuur 4, albei vroeër in die artikel.

28. Kyk Koehler en Baumgartner (1994, Vol 3:1002–1003).

29. Kyk hofie Hosea 2:4–25 [2:1–22] en Figuur 2.

30. Kyk hofie Hosea 4:1–5:7 en Figuur 3.

31. Kyk hofie Hosea 3:1–5 en Figuur 5. (Kyk Koehler en Baumgartner (1994, Vol 1:17–18) wat die betekenisnuans as 'liefde wat iets doen' aandui)

32. Kyk hofie Hosea 11:1–11 en Figuur 6.

Hosea 11:8 ook deur die terme **נִפְגַּשׁ** ('omgekeer/kwesbaar') en **נִפְגַּשׁ** ('medelydend') verryk.³³ Jahweseliefde as 'lewensorientasie' teenoor Israel is derhalwe in wese 'kwesbaar' en 'medelydend'.

שׁוֹבֵד: As verhoudings-/verbondsterm dui dié woord in Hosea 2:9,11; 5:4; 6:1 en 11:5 Israel se 'terugkeer' na Jahwe aan.³⁴ In Hosea 3:5 maak die term deel uit van 'n voortskrydende parallelisme met **בְּקֻדָּשָׁה** ('soek') en **בְּפַגְּדָה** ('met siddering benader') ten opsigte van Jahwe.³⁵ Dit dui die aanvang van die terugkeerproses na Jahwe aan, en beteken dus 'om jou lewensorientasie te verander'.³⁶ As sulks is die resultaat dan 'liefde'. In Hosea 11:9 dui die term Jahwe se terugkoms na Israel aan.³⁷

נִגְנָה: Dié term dui Israel se verbondsontrouheid aan. As algemene term vir ontrouheid dra dit in Hosea 2:4,6,7; 3:3 en 4:10,12,13,15,18 die betekenis van 'hoerer/promiskuititeit'.³⁸ In sy intensieve vorm in Hosea 4:18, beteken dit 'om versot te wees op erotiese passie'.³⁹ Daar dui dit die intensiteit van Israel se ontrouheid aan. As huweliksterm word dit in Hosea 4:13 saam met die tegniese term vir owerspel, (**רָשָׁע**), gebruik.⁴⁰ In Hosea 4:12 en 5:4 word aangedui dat dit wat Israel tot ontrouheid gedryf het, 'n **רוֹחַ זָנוּת** ('gees van owerspel') was, of dalk dat Israel se **רוֹחַ זָנוּת** tot 'n **רוֹחַ זָנוּת** ('gees van promiskuititeit') aanleiding gegee het.⁴¹

OPSOMMING

Jahwe word dus in die boek Hosea as die Enigste tussen die gode (*polemic monolatry*) beskryf – die Heilige God wat in sy versorgende liefde sowel medelydend as kwesbaar is. Deur sy ewige verbondstoewyding aan bedagsaamheid en regverdigheid, genade en barmhartigheid, daag Hy sy kinders deur beproewings (woestyntyd) uit om hulle van hulle verbondsontrouheid te bekeer, en om aan Hom die eer, erkennung, liefde en toewyding te gee wat Hom toekom. Dán sal daar verbondsharmonie plaasvind, en sal hulle in veiligheid woon.

NOTA

Hierdie artikel is gegrond op die oueur se navorsing vir 'n DD-proefskrif met die titel "'n Sosioretoriële ondersoek na bepaalde begrippe in die boek Hosea'. Die proefskrif is voorberei onder promotorskap van prof Pieter Venter, Fakulteit Teologie, Universiteit van Pretoria (2008).

LITERATUURVERWYSINGS

Andersen, F.I. & Freedman, D.N., 1980, *Hosea: A new translation with introduction and commentary*, Doubleday, New York.

Baxandall, M., 1991, *Figures in the Corpus: Theories of Influence and Intertextuality*, in J. Clayton & E. Rothstein (eds.), *Influence and Intertextuality in Literary History*, University of Wisconsin Press, Madison.

Boshoff, W.S., 1994, 'Die boek Hosea en die Jahwe-Baal stryd', DD-proefskrif, Universiteit van Pretoria, Pretoria.

Childs, B.S., 1979, *Introduction to the Old Testament as Scripture*, Fortress Press, Philadelphia.

33. Kyk hofie Hosea 11:1–11 en Figuur 6.

34. Kyk hofie Hosea 2:4–25 [2:1–22], Hosea 4:1–5:7, **הַיָּה לִפְנֵי** ('lewe voor sy aangesig'), Hosea 11:1–11 en Figuur 2, 3, 4 en 6.

35. Kyk hofie Hosea 3:1–5 en Figuur 5.

36. Kyk Koehler en Baumgartner (1994, Vol 4:1429–1430) wat dit voorts as 'om weg te keer; verlaat' nuanseer.

37. Kyk hofie Hosea 11:1–11 en Figuur 6.

38. Kyk hofie Hosea 2:4–25 [2:1–22], Hosea 3:1–5, Hosea 4:1–5:7 en Figuur 2, 3 en 5. (Kyk Koehler en Baumgartner (1994, Vol 1:275–276) wat die betekenisnuanses as 'om owerspel te pleeg; om in 'n verhouding ontrou te wees; om iemand te verlaat om owerspel te pleeg' aandui).

39. Kyk hofie Hosea 4:1–5:7 en Figuur 3.

40. Kyk hofie Hosea 4:1–5:7 en Figuur 3

41. Kyk hofie Hosea 4:1–5:7 en Figuur 3, albei vroeër in die artikel.

- Dearman, J.A., 1992, *Religion and Culture in Ancient Israel*, Hendrickson Publishers, Peabody.
- Jeremias, J., 1983, 'Der Prophet Hosea', *Das Alte Testament Deutsch* 24(1).
- Louw, J.P., 1982, *Semantics of New Testament Greek*, Fortress Press, Philadelphia.
- Lys, D., 1976, 'J'ai Deux Amours: Ou l'Amant Jugé', *Etudes Théologiques et Religieuses* 51.
- Malina, B.J., 1993, *The New Testament World: Insights from Cultural Anthropology*, John Knox Press, Atlanta.
- Morris, G., 1996, 'Prophecy, Poetry and Hosea', *Journal for the Study of the Old Testament* suppl. ser. 19.
- Richardson, M.E.J., 1994, *The Hebrew and Aramaic Lexicon of the Old Testament (HALOT)*, L. Köhler & W. Baumgartner (eds.), vol. 1–4, Koninklijke Brill NV, Leiden.
- Robbins, V.K., 1996, *Exploring the texture of texts. A guide to socio-rhetorical interpretation*, Trinity Press International, Pennsylvania.
- Smith, M.S., 1990, *The early history of God: Yahweh and the other deities in ancient Israel*, Harper and Row, San Francisco.
- Snyman, G., 1993, 'Social Reality and Religious Language in Hosea 1–3', *Old Testament Essays* 8, 90–112.
- Venter, P.M., 1997, 'Intertekstualiteit, kontekstualiteit en Daniël 9', *In die Skriflig* 31(4), 327–346.
- Vosloo, W., 1992, 'Die samestelling en struktuur van die boek Hosea', *Skrif en Kerk* 13, 244–252.
- Wolff, H.W., 1965, 'Dodekapropheten 1: Hosea 2', *Biblischer Kommentar: Altes Testament* 14(1).
- Yee, G.A., 2001, "She is not my wife and I am not her husband": A materialistic analysis of Hosea 1–2, Koninklijke Brill NV, Leiden.